

帝
京
景
物
略

帝京景物略

卷之六

西山上

香山寺

碧雲寺

洪光寺

卧佛寺

水壺頭

中峯菴

晏公祠

盧師山

平坡寺

嘉祐寺

罕山

石景山

帝京景物畧

遂安方逢年——定

麻城劉侗

修一

宛平于奕正

香山寺

京師天下之觀。香山寺當其首遊也。一日作者心
當二百年遊人目爲難耳。麗不欲若第宅。繼不欲
若園亭。僻不欲若菴隱。香山寺正得廣博敦穆。崗
嶺三周。叢木萬屯。經涂九軌。觀閣五雲。遊人望而

超超有丹青開于空際。鐘磬飛而遠聞也。入寺門。
廓廓落落然風樹從容。泉流有云。寺舊名甘露。以
泉名也。泉上石橋。橋下方池。朱魚千頭。投餌是肥。
頭頭迎客。履音以期。板石上殿。殿五重崇廣畧等。
而高下致殊。山高下也。斜廊平閣。兩湖翼垂。左之
而閣而軒。至乎軒山意盡。牧如臂右舒。曲抱過左
軒又盡望。望林磚搏。望塔芊芊。望刹脊脊。青望麥
朝黃望稻晚。晶望潦夏。綠望拂春。望九門。雙闕。

如日月暉。如日月光。世宗幸寺。曰西山。一。
山有翠色。神宗題軒。曰來青。來青軒而右上。
轉而北者。無量殿。其石徑廉以闊。其木松。轉而右
西者。沉懸亭。其石徑漸漸。其木也。不可名種。山多
躡葛。稚川井也。日丹井。金章宗之臺之松之泉也。
日祭星臺。日護駕松。日夢感泉。仙所奕也。日碁盤
石。石所形也。日蟾蜍石。山所名也。日香爐石。或曰。
香山。杏花香。香山也。香山士女。時節羣遊。而杏花

天十里一紅白。遊人鼻無他癥。經蓋紅飛白之旬。
寺始金大定。我明正統中。太監范弘招之。費鉢
七十餘萬。今寺有弘墓。墓中衣冠爾。蓋弘從幸土
木未歸矣。

盤山王勃香山寺○蘭若費幽尋。香山碧樹深容
將舒遠臂。松已發長吟。涓滴泉歸內。莊嚴峯向
陸。祝釐新色澤。畿甸正三登。

淳安徐貫遊香山偶成○一派峯巒侵碧漢。獨尊

梵宇出紅塵、嶺松月挂上方曉。山杏花飛下界春。
樵淡湖泉爭入望。切雲陵樹與爲隣。我來不盡登臨興、又逐東風覩紫宸。

茶陵李東陽香山諸寺○半嶺香臺石徑斜。諸空縹渺送天花。新開塔寺雄西郭。舊賜賜經幢。出內家避暑亭前泉帶雨。回龍殿下水明霞。太平天子無廷幸。頭白山僧誦法華。

吳縣王鏊遊香山○百二河山勢自西青芙蓉直

與天齊、九重瑞。望樓城、萬里香。過花柳堤、陌
洗。遼金元殆盡、氣凌韓趙。魏皆低頭、要嘗盡、覽全
勝。一杖同君、絕頂躋。

餘姚王守仁香山○尋山到山寺、得意却忘山。巖
樹全來龍壁、蘿春自閒。樓臺星斗上、鐘磬翠微
間。頓息塵寰思、青鞞踏月還。

春游香山寺宿林宗師房次韻○幽空來尋物
外情、石門遙指白雲生。林間伐木時聞響、谷口

逢僧不問名、天望倒涵湖月曉、烟梯高接繩階
平、松堂靜夜淳無寐、到枕風泉處處聲。

餘姚徐愛陪陽明先生遊香山夜宿林宗師房次
韻○春尋郭外得幽情、楊柳迎風綠意生、良快
山堂無世慮、却嫌寺主盛詩名、林深風細鐘音
定、月正烟微野色平、有鶴摩雲來暫息、嘹然臨
去一留聲。

潤州郭鉉香山道中○山深春寂寥、花落自縹緲

洞木超橋去、泠泠清可聞。雨過新苔滑、日脫踈林曬。冉冉一僧歸、踏開松下雲。

辰陽李夢陽香山寺○萬山突而止、兩崖南北抱。鑿翠置殿宇、縹石上穹昊。高卑各鋪妙曲盡、結構巧。有泉如線縷、盤轉出松林。暗奇忘登頓、緣危肆探討。險絕逼牛斗、蕭颯若風岳。夜宿來青軒、天色碧可掃。湖沙靜莽莽、海月白船曉。想當邦邑初、此地只蒿草。精麗化誰鑿、巖壑門相崇。

但看全盛時、民力爲蒸磅、

長洲文徵明登香山○指點風烟欲上迷、却聞鐘
梵得招提青風四面雲藏屋、翠壁千尋石作梯
滿地落花林遍綠、倚欄斜日鳥歸相去來不用
行吟苦、多少蒼苔沒舊題、

濟南李攀龍香山寺○往時占紫氣、馬上看香雲
不是尋幽到、其如發興孤、廻標臨北極、秀色攬
西湖、杪諸天出、皆前衆壑趨、花臺築地起、風

鐸蔽簷。呼月抱蟾蜍。石星撻舍利珠。玉毫浸瀑
水。金相湧浮屑。妙偈傳從多。高僧至自胡。法輪
皆帝力。下界獲神都。行幸當年事。人王握大筭。
大倉王世貞香山。○聞鐘尋古刹。高入白雲層。北
極諸天擁。中原一氣憑。齋衣凌恍惚。飛磴插嵯
峨。不謝菩提樹。常明慧遠燈。雙星垂井動。光石
抱蟾升。怒龍搖鳳檜。殘鱗折雨藤。却灰曾鐵馬。
迷路有金龜。忽憶哀遊事。千林色倍增。

宿香山寺○白雲深鎖上方幽、躡屐無勞問惠休。
竹裏布金千月至、松間鳴玉片泉流、談經石聽蠟蜍轉、卓錫天迴象罔愁、坐久忽驚心地凍
向來西竺在南州。

留田周宣重遊香山寺○薜蘿深處見僧家、莫落
冥開自歲華、怪石臺高鷗篆古、老松枝偃鶴巢
斜、三還丹熟龍窺井、十笏房清天雨花、笑我踰
狂徒野況、山門幾度試春茶。

武昌吳國倫香山寺○不盡登臨興其如握手何
香臺凌縹渺、紺殿夢嵯峨、古壁璇題、先朝
翠筆過、雲深龍藏杳、地迥鷲峯羅、塔旁飛金掌
林聲散玉珂、山腰垂列磴、樹杪出盤澗、此極開
天府、西潤引徑河、行渠寢法鳥、堂印聽經鵠、寶
座珊瑚蓋、祇園雨露柯、披烟探舍利、拂石誦維
摩日落、仍聞梵、風高獨放歌、明朝入城郭、刺處
了諸魔、

登香山沐憩亭有懷于鱗子與○丹梯百折上
青冥。攢散諸天青翠屏。雨塔空花迷下界。千山
雪色照孤亭。金臺北控凌承露。寶地西環共列
星。日暮振衣人不見。飄飄仙梵共誰聽。

臨清謝榛香山寺○曾識京西路。名山帝梵家。殿
凭千頂樹。地矗半天霞。鄰寺鐘聲密。前村塔影
斜。紅雲看不徹。漠漠杏林花。

麻城丘齊雲暮行香山道中○出郭尋蕭寺。偏緣

芳草行。溪深雲落雨。山遠樹爲城。一徑一花色。
無時無鳥聲。不知湖上月。飛向馬頭明。

太倉王世懋香山寺頽婆花下○嘉果傳經品。何
年植帝鄉葡萄非漢種。薈菊是天香。積素騎春
色。含脂破月光。坐深花陣過。數片入飛觴。

綏德馮汝驥再至香山○勞生退不獲。耽山遊獨
屢。靈奇天巧成。壯麗人工聚。歷石千盤跌。峯雲
九條駐。昔來細草拔。翠合葛藤互。梵落炎盡捐。

懷哉鐘日暮

祥符高叔嗣宿香山僧房○遙愁春草歇驅馬春
山中夜宿香深處聞譚夢復同風生近谷滿月
照前湖空明日西行去回望此寺東

無錫俞憲香山寺繇來青軒歷諸佛閣再憇山下
○直上軒憑望還尋澗壑幽獨行無指顧盡意
數淹留花密藏谿路峯危現石樓回看鐘磬處
香霧半沉浮

無錫安紹芳香山寺○西嶺藏香閣到門生暮煙
猶疑寒積翠細草伏澗泉臺若祈星處松傳謾
駕年石幢苔半繡難讀古人篇

大同栗應宏香山寺○樹杪微招提空香處處迷
曹溪一水曲瞿舍五燈齊夕鉢藏龍早春沙印
馬蹟郊遊清世盛尊榦日攀躋

咸寧許宗魯來青軒○路轉青林內軒開碧漢傍
谷煙當盡晦峯影度雲涼借石扶於蓋迂泉過

竹房蕭然屏几靜嵐氣濕衣裳

無錫顧可文遊香山寺○飛磴登初到深林度幾
重、樓臺逼層漢、標榜接高峯、白下巢雲鶴青連
覆殿松、翠華臨幸日、軒上設行宮、

常熟陳瓊香山寺○層山曲曲抱禪宮、轉逐山光
自不同、碧殿深廻青靄裏、飛軒迥出白雲中、清
音遙檣來雙洞、秋色迎檐鬱萬楓、何處煙霞非
妙境、可須支遁更譚空、

山陰徐渭來青軒○畫棟將雲繞修檐傍漢開亭
非邀翠入山自近青來遠色虛難寫遐觀縱未
題共言春景麗不見使人猜

丹陽鄧佐鄉入香山寺○曲徑松雲上丹丹樓閣
輝指僧方拂櫈望客已開扉鐘向天邊落泉從
石竇飛瀉山黃葉急聲影着人衣

來青軒○軒小能來月深秋落葉紛亂禽喧暮
色數雁入高雲山翠颶颶得鐘聲寺寺聞泠然

對寒影酌盡不成醺

上元姚汝循晚至香山寺○一杖入蒼煙危梯隱
復連山門交古木屋角下流泉客至杏花裏鐘
來鳥道邊禪房在松柏風雨足安眠

安陸何字度香山寺○古柏高榆路欲迷千年名
刹帝城西望窮平楚天垂盡若傍羣峰雲與齊
曲磴宛從山上下危樓半倚樹高低登臨却喜

佳辰近僧舍黃花開滿畦

餘姚沈應文香山寺○晴嵐千仞擁深遐碧澗逶迤一道斜梓樹曲封宮殿宅松花靜落梵僧家山堂舊閣接金相輦路新除望翠華鋒榜中朝親賜額半天樓閣護雲霞

東阿于慎行遊香山寺○夙慕香山勝概未度石林煙嵐開上界臺殿倚層岑地盡翠峯合天迴四壁陰松閣傍翠日杏閣郁捫參鬱藉菩提色泉飛梵咽音歸雲朱拱宿閒鳥翠屏吟塔湧名

多賓、田間號布金、西洞寒雨斷北闕、暮煙蒸客
飯伊蒲供僧房薜荔侵禪心、無去住游跡任浮
沉。

臨朐馮琦香山寺○香山曉蒼蒼、居然有幽意、一
逕杳逕合、雙壁互葱翠、雖矜丹碧容、未掩雲林
致、萬軒眺湖山、一一見所歷、千峯青可掃、涼飈
颯然至、披襟對山靈、真心歸釋帝、茲游如可屢
無問人間事。

臨朐馮惟欽香山寺○昔我經遊處于今祇八年
山林還委曲僧寺太蕭然賓客鮮車馬王公多
墓田泉流非故道靜夜響涓涓○偃息疇蜍石
尋思往歲詩浮名前此遁薄祿竟難辭九壠登
臨遍三乘覺悟遲老僧曾共語今指塔新支
上妙高臺○東谷日初上西方境自偏巖牙危
結閣石眼密通泉間發雲烟入推牕薜荔懸鐘
鏡何太近應爲接諸天

盱眙李言恭香山寺○春草自萋萋殘烟散馬蹏
杏花流水畔僧舍夕陽西爲訪三生社還憐二
仲携藜杖擺夾道能許一枝柄

宿來青軒○地敞千林月門屯萬壑霞花間翻
貝葉樹杪見人家路逐溪流轉山依石磴斜半
空聊借榻竟夜鳥紛繁

內鄉李蔭香山寺○風霜積古澗松柏深香山鶴
背游人舞雲分衲子閒都來誰翠色向下看塵

寰願借軒亭夕，翻經獨掩關。

二河曹子登香山寺○不看雲晴處，招提得便尋。
山空青靄暮，徑僻綠蘿陰。遇石生泉噴，停鐘卽鳥吟。
衆喧來一靜，半日客閒心。

濬縣王在晉宿香山寺○古刹雲端現，鈴音樹杪懸。
宿霞待煉石，暗谷夜浮泉。竹意當軒足，嵐光
入枕眠。漆花侵客坐，蘿月伴僧禪。靜定牕深草，
勤耕杏有田。山芋供茗潔，野菜和羹鮮。鐘鼓閣

藜飯香燈貝葉篇業凡歸淨界勝果證諸天魚
鳥人俱適去來住不羣可知塵網隔一宿已超
然

江夏郭正域香山寺○寺入香山古道斜丹樓一
半綠雲遮深廊小院流春水萬壑千崖種杏花
牆外珠林疑鹿苑路傍石磴轉羊車四天天上
知何處咫尺輪王帝子家

華亭馮時可香山寺○青青環擁佛燈幽作禮旋

登鐘未休徑繞金繩曾御道光籠紺殿隱經樓
塔金松鼓中天奏杏雨槐雲下界流坐久覺無
塵色染西方原自在南州

新淦朱孟震雪游香山寺○踏跡上雲岑風濛雪
淺深煙村時聽犬冰樹不棲禽綠暗閣難辨黃
昏鐘未音佛燈明數點指定後前尋

夷陵雷思歸來青軒○石磴幾千級澗勃夾長栢
奔泉冷山骨回聽知水脈夕陽空翠生身身變

衣色殷其怒豐隆、四顧膚雲黑、驚起老蛟橫倒捲潭河蕩須臾、天開霽亭檻俯石壁、乍聞深澗濤吼山山欲墜、峯饒林木青、溪借沙路白、我家萬山中、終日對山碧、別來已四載、見此欣有得、塵上汚緇衣、城中車馬客。

應天朱之蕃來青軒○香過十里杏花西、禮罷空王到上柄、忍壞雲根開地窄、愛看山色放牆低、馴魚左右橋邊綆、好鳥晨昏鐘後啼、徒倚詞臣

遲侍從來青瞻仰 鄙書題

仁和黃汝亨香山寺來青軒○秋林無日不黃花
駐綠森雲爽有加磴入寒空高翠巒坐來秀色
落晴霞石泉淅淅將風葉山徑蹠蹠冷歲華獨
向軒亭閒一望翠峰低處已塵沙

慈谿葉維勞香山寺○泉流不知市、穿寃去香林。
絕構通山鼠空廊住野禽易愆尋勝約難動入
山心日暮寒雲底綠惟一宿深。

溫陵許衡遊香山寺○層巒看不盡、折折上香山
有翠靄天色來青喜 聖顏宿雲亭隱約、淘石
水爛璵月莫烟嵐食芷然客未還

太倉王衡香山寺門○濃陰靜若夜清流澹無言、
不知山寺到年見風旛翻

來青軒○遙青草木光、空青天地冥、憑欄三尺
外、與爾共青青、

來青軒月○雲扶月華上、森沉翠微冷、霏霏高

低林月中無靜影。

祭星臺○空壇落星辰，騰沙鬱皇昇。不知何王碑，隔坡問牧者。

別喬山○相去幾何里，喬山紅赤赤。古木守日中，聲沉隔晚雲聽。

香山歸途欲雨竟晴○人言鶴鵠聲，隱若含雨啼。破千林爛來我杖頭舞。

順天張國銳晚投香山○窺望雙林紫，穿雲第幾

重古泉驚劍仄、老相望從來。暝色迷僧揭、苦文
亂鳥蹤、奇多看不徹、昏黑尚扶策。

宜城吳伯與來青軒○盡、將亭閣立高虛、色相雙
開萬壑、餘鳥半鄉雲歸樹、壘峯長扶月上僧廬。
杯流波面移天影、燈續花光到御書、未必灰
心伴禪夜、祇疑塵市夢全疎。

山陰丁乾學香山○望望青山石徑通、藤蘿披盡
出珠宮。千峯烟霧來衣潤、萬里關河入掌窮。雨、

過鳥飛雲氣裏、鐘鳴人在夕陽中、登高瞻闕重
回首、天外寥寥有遠鴻、

漳州秀巒香山寺○綠遍山門爽氣橫、鳥鳴無數、
一鉢朝客多徒御、遊舍卒僧盡朝昏、趨送迎、幾
度六簾曾少駐、何人騎馬此閒行、杖頭指點
登峯去、幽徑繁陰夾道清、

來青軒○徑轉平臺出、軒間寶地臨、佛光朝贊
道、御墨青禪朴、花雨晴凝濕、松清曉更深、六

時蓮漏滴如意許重尋、

池陽方新香山寺○香山一徑蘿雲隈、古刹高臨
絕巒、開萬里河山迴玉塞、九重風露薄金臺、翻
經石鷗峯猶供護駕松門鶴未回、西日過亭東
晚照、下方處處清塵灰、

梁州朱宗吉香山寺○逕深林曲折、軒出正峯迴
花嶺藏經閣、雲封演法臺、湖光憑檻望、山色捲
簾來、莫畏生涯近、僧園自作酸

慈谿馮有經來青軒○三百湖山寺、清光此獨偏
九陵通紫氣、雙闕映青蓮、路豁披雲盡、堂
虛得月先、六龍曾駐蹕、瑞色尚澄鮮、

莆田林光俞登香山來青軒○迢遞入松門、輕陰
夾路繁鐘鳴、上界寺、花辨隔、霧村、雲氣生高棟
山光度短垣、閒忙俱此地、鳥語雜風喧

公安袁宏道來青軒○真人天眼自超倫、翠色香
山、此語真八十老僧牢記取、一時三過語游人

吳橋范景文香山寺○峯勢矯然飛歛去絢殿巧
得山意助碧雲闊麗不鬪清此中詣勝全能據
紅霞片片落空巖憶是鑾輿駐蹕處翠色挾雨
送來青耳中恍惚聞天語看山眼亦需聖人
御墨流鮮鸞鳳翥老僧舊事說不休箇箇遊人
看榜署

興化吳甡春日香山寺司曹元之沈雲升圖碁○
春日香山春草萋來青軒俯碧雲低覓將勝地

呼朋往賦得新詩，歷壁題塔藥莊翻初界蝶。山
松花放別成蹊圃，墓古木蒼崖下，疑與松雲共
一樹。

新野馬之駿，香山寺○割翠開雙戶，流丹駕百輪。
路高行漸壯，雲銷石難崩。照影魚遊樹，嚴聲鼠
竄藤澗風排霧出，海日帶霞升。果落頻驚客，鳥
馴時解僧。西方支許社，端不悵無朋。

杏山寺○日飽登臨致翻愁，應接勞重遊知寺。

熟獨往點峯高柿葉畱晴露、松陰濃夕清曉參
鐘韻歇展轉媿方袍。○盤磴昏方至、看山曉益
佳、谷晴雲蒲戶陰密樹綠厓客夢前林惹樵歸
獨徑柴終思歸白法送老一青鞋。

孝感傳淑訓香山○摹盤石無人奕、黃駕松有鳥
樓下界鐘聲古寺上方月影前谿。○平甸方方
似續高峯兩兩如門牛羊十里五里雞犬前村
後村○丹井泉曾入夢、香爐石尚縈烟紫陌皇

卅望裏，長鍾久，聲森森焉。

來青軒○一帶寺舍，翠色，門山香，共青來，清雅都亭在望，鬱秀軒廳自對，鬱秀清雅，望都亭諸

眉皆 神宗御書

閩縣董應舉送雙德菴下香山○十日不了香山寺，有客來，亦半韻，其表筆高從松頂落，鐘聲冷在月中聞。未寒秋色愁衰老，早放黃花爲送君。此去都門何所見，孤鴻天畔入斜暉。

吳縣姚希孟來青軒○虛檻雲嵐上、諸峯斷復連。
鬪成螺髻頂、散作鬱藍天。空翠山藏骨、冥濛樹
拂烟、品題入聖藻、青色自年年。

孟津王鐸暮登香山寺○歷盡丹梯古寺門、鐘聲
萬壑報黃昏、崖懸烏度憩中樹、路暝僧歸月下
村、南指崆峒藏石髓、北來天壽隱雲根。入山尋
悟浮塵惡、夢後禪燈客共論。

來青軒○諸陵王氣壓金微、倚鋗高軒望九關、

青蠟自來親客枕蒼風不散濕僧衣桑乾河凍飛流折黍谷山深遠樹稀愁怨鶴猿空自語少朴茅屋幾時歸

景陵譚元春來青軒○翠到茲山欲盡舊幾多風物自相遊虎蹲宸翰峯峯雲龍變王言歲歲秋有氣泉巖如應答無聲酒茗不沉浮心高日下須臾際鴈掠荒雲去未休

喜興譚貞默來青軒次友夏韻○朝暉入坐雨痕

牧林櫛巖花悉佐遊。纔倚石欄容易畫。久處
市不知秋客來鳥報。王言重鑄定魚聞佛號。
浮曲磴奇松商界盡。宿雲留去未應休。

吳縣釋修懿來青軒曉望。○星澹諸峯曉青依。昨
日來松蘿親上界。鐘磬散層臺。香閣佛深坐。竹
房僧未開嵐光留不住。林鳥幾聲催。

武進管紹寧香山○磴磴飛盤棧碧虹低憑落日
到禪宮。鐘邊欲立諸天外。葉際如行秋雨中。高

鳥雲心人共游空潭魚氣佛先通初知大地成
金界踏飼蓮華又幾峰

懷寧劉若宰香山道中○山如劈而且平蕪山鳥
關人影欲呼士女艷都慄二月烟縵寒亦盡三
吳探奇見訂問深淺覽勝情爭其有無乍可心
閒身健爽亂峯欹樹獨先驅

上虞倪元璽遊香山○仰天大呌憇天閒山只三
分興十分春到寒潭閒古雪、俯尋好穴整新雲。

光榮鳥蒞名花署。跋扈風撻野蠻羣。醉去偶然題碧落。被人讀作絳州文。○也爲尋春費百文。
好春只合與山分。柳絲嬌纖烟如錦。槐火狂燒石有紋。來入暮風桓氏客。不殘花雨岳家軍。松呼泉咽皆天樂。世上爰居聞不聞。

景陵胡恒宿香山曉過來青軒恭覽 宸翰○僧
語深廊欲啓扉。泉聲颯似雨初飛。夢殘未就花
開續月在猶于松際微。深夜遊人浮白散虛堂

拂曙遠青歸。諸峰不敢分來爽。畏與先皇御
墨遙。

狄道楊行恕香山○翠閣雲來倚丹梯天可攀軒、
雷、臨御墨徑鑽入禪關孤月林初靜空山夢、
亦閒自慚霜鬢白春羨拂班班。

平湖陸啓滋宿香山寺來青軒○山勢易成寂夜、
氣相與停月光臨衆崿山祝皎若平靜覽有虛、
色冥聽宜一聲始至猶自憚屢坐忘所生就寐

得餘醒隱隱遵空明萬籟既以化略焉詔我形
信矣古人言深入移其情

來青軒早眺○山容變無端暖陽升殊狀渺末
辭宿林秀氣開全嶂巖位漸以高振發猶未量
望蒼松影深益春露漾萬象迎暉來槩意適
所望

廣昌河三省香山寺○鼓鐘今幾代應運得幽慕
果洗金元魏山照日月恩勝應補樂土與特傳

雄萬、曾駐先皇蹕。僧將勝事論。

廿三

水言暫○通道盤新第幾灣空青縷縷在躋攀
向歟聖藻奔隼檣拂落春烟乍隱闊符立
看元氣宿孤巒能使衆峯環寺僧懶客如逢故
留賞應知意獨閑

長洲徐汎來青軒夜眺○都將幽意此中矣閑盡
游人無損情空亭雲來青裡宿山趨翠向夜邊
明鐘聲雜樹移時盡村語覽燈以次生下不窮

高推所際景光不接穆孤情

會稽馬兆霖來青軒○帝之所餘賞、一軒尤其空
不爲山水藏、浩浩承天風。金龜垂西巖、下界陰
森森、枯林泛聲光。蕭蕭惟暮紅、我先我後者、至
此徘徊同。

桐城方拱乾香山入杏花深處○誰言花事未紅
已、雨成朴、望欲曉、依寺心憐春閉門。入深坐自
藏、歌度舞俱喧、莫邇分第去、紛衣亂蝶痕。

孝感程良孺香山寺○仄徑停車步遠攀香鐘峰
積古今壘蒼藤鱗甲盤千折白石鋒稜綺屢滑
茵濕繡紅新佛地亭傳青翠喜天顏馮軒一
望浮塵道中有山僧杖鉢還

昆明唐泰香山寺○松陰六月午偏長塔下流泉
院院香莫訝招提如大內始堪齋沐祝君王

與同游景參來青軒○幽柄北折有高臺草落頽
一石銘歸路開一帶翠青知帝力百年清難出

天裁。樹當簷欹能用致雲以牆低不碍來鳥道
霏霏看欲盡。龍葱雙鬪五城隈。

麻城周應昕登來青軒○寺首西山勝丹樓遠卽
看佛香鑑化石。仙奕局存盤。一簇來青翠。諸峰
最斜蟠。僧言每駐蹕。于此拜千官。

武進惲向住香山寺○深林寄幽僻。夜氣獨清無
破壁龍蛇語。空山鳥雀呼。井花香自汲。林月夢
同孤。萬象森如許。名心枯未枯。○一帶空青氣。

當軒晏坐時、妙香徐入酒、遠覽獨成詩。翠濕春
簷竹、花堆青井泥、深深愁見客、久靜失威儀。

風動夜逾靜、山明月上來、婆娑松影落、寂寥道
心開。梵切浮生事、鐘催夢徃回、嵐光勸人性、半

卷坐莓苔

孝感程正揆香山道中○行道潭忘北、看山况是
西、十、年、游、裏、儻、一、日、馬、前、携、來、嶂、青、無、盡、飛、烟、
風、與、齊、碧、雲、望、不、見、知、爲、亂、峯、迷、

遂寧呂大器來青軒○秋色渺無處、初于茲處知
亂山來未已、青翠自當勝、

昌平歸四維香山○天風高爽、幘蕭蕭、寺熟車騎
徑、若條、狹小、諸山兄父事。孤獨一函雨雲朝、溪
光帶紫魚如繪、御墨留青鳥亦驕。日浦烟村
望近久、閒身此夜夢塵銷、

麻城劉侗香山寺來青軒○十里香紅一道泉、約
同閒伴入春烟、鳥呼耕鑿民畿甸、鐘報晨昏僧

祝延獨翠封山謨萬壑來青經野勑諸天郊能丹碧人能眼休養熙游不偶然

平安袁新年來青軒○杖笠穿雲上絕巔羣峰拱揖拜庭前豈知駭綠驚紅裏偏有廻鸞翥鳳懸淳化曾留飛自在貞觀久取御屏傳恭瞻天藻恩先帝鳥語柯音總未誼

宛平于奕正來青軒○四山秋色重王言青翠巍巍捧一軒葉漸有聲霜待老僧能無語凭應

尊眼明參廓峯，峯下心入冥。蒙物物存幾，樹荒雲去雁吹來孤影坐中翻。

仁和陳紹英香山寺○古木千雲上，流泉繞碧苔。
寶華飛鳥革，翠壁躍龍媒。人欲凌空去，山經駐歸回。蒼蒼看不倦，端的送青來。

吳縣葉倫秋遊香山寺○秋老香山路，高深霜葉遲。日窺林內暝，泉滌石中奇。不識峯廻合，虛疑閣峻危。來青僧指謂，御墨賜淋漓。

斬木黃耳鼎香山寺○塵裏西山約經旬得共看
遠林紅漠漠平楚綠漫漫寺擇峰俱簇游當春
半闌一鐘聲未盡便已客心寬

江都鄭元勲登香山來青軒○紅香青冷界幽不
避遊踪有例看山樣無間報客鐘魚浮人影外
鳥趁馬蹄中二百餘年栢頻觀駐六龍

會稽周鴻瀚夜宿來青軒卽事○戲問青何所僧
道指與客我從青處來冉冉見金碧○有詩勞

思索無覩托幽寄多事是游人山僧不識字○

門外冶游子雕斂翠袖姿寺僧拜馬前袖有儀

曹牒

夏邑王丞曾香山來青軒○諸有趨天末大象以
森羅岸樹勢且盡殿閣倚龍聳開軒遠色上
御墨青峩峩銕鎖苔繡垂石路遲吟哦海月生
萬號山風時乃過

武進陳組綏來青軒○軒構栢雲檠雲巖入一都

許泉歸峽千雨鳥離巢一鳴烟放長隄迥岑周
疊嶂爭山陰落山下天自坐中晴

華亭翁元益香山曉起○鳥語提清夢山柯悔晚
游草肥多飲露烟靜不關秋聲尖都門沸心真
雲空幽經年塵攘攘俱爲曉鐘收○巖棲已十
日明發似更新漸覺山平旦猶看月助人鳥蟲
樵徑露鐘鼓法堂辰東望朝光赤濛濛又客塵
麻城局之茂香山寺○到處烟嵐秀可資山僧指

點向雲端、仙盤棋合無心著。御筆書應拱立。
看老樹引年三代色，走巖衝日四時寒。登臨不
盡尋幽意、歸去無愁石路難。

沛縣閭爾梅遊香山寺○泉分瀑布注春溪、蒲路
松陰杖可携。牲玉未登名嶽祀、圖書先有聖人題。
囀聞天半疑鸞鳳、仙住雲中化大雞。霧隔長安三十里、蒼茫惟見野塵棲。

宛平王崇簡尋香山靜室○石路春無暇、頻年過

此門煙天懸水末，杖壑簪雲根。亂定游將盛，僧閒峯亦尊。未須歸暝色，聽鳥一展昏。

桐城姚孫架來青軒○聖主曾留墨，高軒不斷青雲疑客色。亂雨畏鳥聲，靈衆討爭奇勝。孤吟入窅冥，故人來怡如。筇杖莫須停。

嘉善錢栴宿香山寺○空山惟一夢，岫懶出烟低。瀑鼓天然漏，鶴鳴何處鷄。峯晴隨月醒，巒溫倚雲迷。昨夜前溪老，相期枕絕巒。

碧雲寺

天巧不受人分、人工不受天分。雲山一簇、惟缺峯。
荒寒結茆數椽、宜耳。東西佛土、有清月蓮華境界。
備諸莊嚴、比丘僧尼、優婆男女、發願願生、而碧雲
寺僧不事往生也。住是界中矣、然西山林泉之致、
到此失厭高深。寺從列槐深逕、崔巍數百石級、爛
其三門、入門廻廊納陛、園繡步玉、目營營、不捨廊
足、滑滑、不支階、降陞祀六讚、繞廂六稽首、殿三網

拱丹丹。瑣闈青青。四閨八牖。庶承廊庭。毫不屑雕。而舉之以金。摹畫金上。日月矣光。其有壁。謂璧。不屑畫。而隆窪之以塑。橋孔洞陰。諸天鬼神。其有窟宅矣。殿後端正一閣。金色四合。黛漆時施。僧秋益桂。周乎閣。爐香交桂。鋒光交月。香光圍蒲。人在月輪。鐘磬吉祥。捧號綺紛。左側有泉。星之。納以方池。吐以螭蜃。並泉爲洞。砌方丈耳。洞其名。洞前而亭。對者亦亭焉。如主賓。填荷池。伐竹苑。所落成也。螭

屏施泉既給僧居廻阿殿前方池朱魚紅酣綠流
有之則爭泉去乎寺乃般吻吻越澗而來焉寺二
元碑一至順二年立一元統三年立白石黑章碑
碑不文而石文也以在碧雲菴于元耶阿利吉寺
于正德十一年飾于天啓三年士之人亦曰于公
寺云

靈山王翔遊碧雲寺○出郭避塵囂寧靜塵路遙
山中有古寺徑此上層霄露曉竹方滴春殘花

未覩拂巖書所見不負碧山招

廿二

大洲文徵明碧雲寺○翠殿朱扉翔紫清
凌日晶晶青蓮宛轉開天界玉闕分明作化城
雙澗循除鳴珮曳三花拂檻映幡旌貴人一去
無消息野老依稀識姓名

華州王維橫宿碧雲寺○秋深處處逢搖落入寺
蒼然景未殊斜日鳥歸寒共宿上方僧定夜相
長嘯音金碧思人事却隔雲霞望帝畿萬磬聲

中皆雨澤不知烟火幾家扉

太倉王世貞碧雲寺○峭壁琳宮轉巖壑自日移
斷雲探地脈噴雪注天池孤樹間千瓣墨花管
六財伏魚驚午觀眼犧起春耕色界烟霞薄空
門歲月私苔陰侵殿廊鳥影散景不思入觀香時
發詮真聽不疑悟來珠爛爛無復那摩尼

碧雲寺泉○蒼龍戢其首日夜激寒玉叻爾松
風聲借之竹色綠時從齊厨下冷然注空谷自

愛穿雲多○為知出山獨○一酌聆斯言○徘徊慳心

曲三

宿碧雲寺○幽人夜無寐○初月郵山闊○不見月
出光○但見松影落○

濟南李攀龍碧雲寺○飛塔標龍藏○長橋挂虎溪
五王開鼎慶○一梵樹菩提○淨土黃金布○香臺碧
漢齊○經過初地變○徒倚上方迷○杖底籠清磬○崖
間散御題○雙疑窮絃宇○復道出丹梯○天樂蓬萊

近祇林日月低水流僧舍下雲起佛堂西深愧
雕蟲技難同怖鵠棲慈燈懸廣刼處處得摩尼
碧雲寺禪房○佛土秋逾淨花臺夜復香一燈
醒夢幻孤磬散清涼月上梵輪漪湖開天鏡光
新詩分妙偈病客對空王

太倉王世懋遊碧雲寺○布金聞北地功德冠招
提絕壑懸相抱飛泉巧自移雲根穿卓錫虹影
落界恩靈鷲標層檣文螭護賜碑鵠馴多寶塔

魚老放生池。法雨凝晴墮。香花欲盡垂。天應愁。
罔象几似避摩尼。酌醴持枝潤函經。貝葉披人
天。依梵淨。佛日度春遲。妙境身西竺。清心首大
悲。興來成再宿。塵界一相遺。

綏德馬汝璽碧雲寺行○西山臺殿數百十修麗
無過碧雲寺。剗搆土木元自盡。山川是昔主人
異憶昔先朝。垂暮年。牛官十輩恃權勢。長安奪
宅盈九衢。復置祠閣開此地。暫削峯巒叢翠平。

穿池出泉千丈清、黃金作堂玉作闌、蛟龍屈曲
飛簷楹、三梁直、訝虹霓起、萬戶廻看星月生、後
有香爐前寶塔、石鱗翁仲雙崢嶸、陰洞鑿空嵐
翠裂、水亭幽敞失炎熱、竹紫松蒼南土產、北移
幾歲森蟠結、錦旛彩勝揚雲霄、法鼓齋鐘振巖
穴、內苑輪倕工巧在、江湖花石官頻採、重泉銅
鏡豈不固、橫遭夷伐爲銀海、雍門流涕亦奚求。
石都傷心會可待、千億寧知劫火消、須臾果見

桑田改。護勅豐碑迭傾覆。佳城竊窓通虛谷。他
日素車誰竟下。風揚畚使靈祇恩石經山廟玄
明宮。榛棘荒涼但樵牧。

碧雲寺洞中聞歌○瑤宮既弘敞。石洞亦幽陰。
肯酒始曲水。清歌忽振林。梁輕塵一動。穴虛風
再吟。林表遠花色。山中夜樹音。和傳白雪寡。聽
人玄雲深。是夕夢天樂。珊瑚步高吟。

武進唐順之游西山碧雲寺○崇居滯文齋久與

游賞闢、出沐乘涼颺、尋幽心所悅、涉間雲得漫
攀巒仰峩峩、邈哉神臯曲、居然靈境別、深室盈
湯泉、水井陰陰穴、躋險意填膺、逃遁影絕軼、風
林猿狹猶、雨空煙直、望、看朝旭升、晝見昏星
列、郭豐光乍熹、崖懸曜光暉、景會萬象昭、跡際
百慮絕、巖棲庶可希、于茲謝塵轍、

臨清謝棟碧雲寺○羣山開巨剗、策杖獨經過、石
洞深冰雪、巖泉古薜蘿、觀空座虛盡、垂老勝緣

多安得身閒早、相從此澗阿。

三十五

郵縣張邦奇和人宿碧雲寺之作○谷口樹連寺
深林天色微、溪晴羣馬渡、巖暝一僧歸、鳥語喧、
將宿星芒動、欲稀夢醒鐘磬後、風雨是邪非、

德州程珪碧雲寺○紺園聞絕嶂、石磴接天門、洞
古連賓館、亭幽傍水源、過峰雲冉冉、掠樹鳥翻
翻、草木惟孤賞、曾無人語真、

長治安紹芳碧雲寺○寶地浮空、一徑盤、勝蘿曲

曲隱闌干泉飛滿寺春流急月落虛堂夜影寒
松有結枝巢鵠鶴洞無名樹號旃櫈携將筆墨
爲游紀獨上峰頭自寫看

歙縣許國遊碧雲寺○幾年陪禁直今日復山行
暫乞官身假稍令塵眼明廻峰時見寺深樹不
聞鶯欄步一鐘動歸心於此生○坐愛桃花水
依依祇樹林烟雲消客思泉石慰禪心帝苑
餘春色人家半夕陰漠然天地際月上遠山沉

永嘉康從理碧雲卓錫泉○卓錫何年水冷苔噴
石龍濕雲深度攀飛雪冷穿松今古無停息清
虛可鑒容不畱功德地東向一朝宗

長樂謝杰陵回重過碧雲寺○五祚祠官遣重
經蕭寺過山俱亭殿閣林各古藤蘿雲在有時
碧碑存盡雨莎僧閒鐘磬後宣罷祝釐歌

應天姚汝衡碧雲寺○策馬隨流水穿林到碧雲
金銀開法界紫翠列朝暉峯自香爐轉泉非裂

筆分閒懷渺衆慮魚鳥與人羣

新安張一桂遊碧雲寺○絕磴人從樹杪行、蹤鑿
風度隔林聲、多閒地主能留客、無事山僧不到。
城半隱松梢、杳闊出晴空、穿竹逕石泉、清他年擬
踐荷衣約、預向禪房記姓名○携伴尋春到碧
岑、春深風日半晴陰、池清盡見魚爭餌、山靜頻
宜鳥遙吟、遠岫孤雲堪極目、空壇細草是知心
登臨未徧歸途晚、欲別仍期訪道林。

臨朐渴惟尋碧雲寺○石洞香雲滿山門待客開
欲從真界住不共吏人來花塢分泉淡松屏近
戶裁忘機吾意得魚鳥欲驚回

安陸何宇度碧雲寺○寺裏流泉寺外峰碧雲四
合削芙蓉佛天夜散松梧雨帝里秋聞殿閣
鐘僧飯香分半貴原寶幢字簇內廷封石階雲
陞遊人避爭道類年駐六龍

池陽方新梨雲寺○山山搖落碧雲寒有客驚秋

獨倚欄風靜泉聲聞遠嶼月明松影步空壠丹
輝碧靄諸天近磬切鐘踈五夜闌回首塵沙生
客悔明朝車馬又長安

東阿子慎行遊碧雲寺○靈峰環御苑寶地敞仙
筵磴道湖邊出重關木杪懸危巖深吐月曲洞
細生烟壁蔭捎雲竹階流噴玉泉松風聞梵夜
梅雨散花天淨土風塵絕空山伏臘偏十月初
地境百萬尚方錢響屢苔痕積璇題鳥跡鏽無

生應證法有漏未稱緣浩劫何繇問跡躡翠嶂
前

臨朐馮琦碧雲寺○朝望山間雲幕就山間宿佛
界何莊嚴入門風肅肅古殿倚巖岫磴道盤容
曲峯頭過新雨石髮淨如冰泉聲下石溜歷歷
飛寒玉良游殊未竟星河低以屬

長洲文肇祉碧雲寺○入山蘿薜晝沉沉下馬行
過古洞陰獨倚石橋看急澗坐觀庭宇俯喬林

藜培山色浮烟靄、繞砌泉聲和磬音、虛相借撲
清夢醒、閒窓卧抱白雲深、梵鐘誰落堂前月、老
衲時彈膝上琴棐几香殘聞囀鴟、佛堂齋供有
來禽、岩花滿地飛紅雪、徑竹千年倚翠岑、何日
拂衣重過此、長依清境洗塵心。

太倉王在晉夜宿碧雲寺○山居晝寂莫、况值夜
鐘深、稠樹風爲鼓、鳴泉水自琴、添衣堪露下、坐、
月竟蛩吟。愁客鄉關意、空禪莫使侵○禪寺孤

棲旅空山聽亂蛙、披香翻貝葉、燒棘熟胡麻、半夜僧鐘定。三更客夢醒、意閒心自足、老大竟何嗟。

野鴟李言恭碧雲寺○古寺野雲平、青尊竹畔翁
寒泉繞殿出、微雨隔溪鳴、地靜僧俱定、林深鳥
不驚、日接山後影、前望暮烟生。

鄆縣層薩碧雲寺○皇居郊壘外、紫殿接春林、啼
鳥親人語、流泉繞樹陰、雲開天路闊、花落洞門

○深偶得尋幽事、因知物外心。

○○楊汝元碧雲寺○何年卓錫寄遐蹕、歷歷
看紫翠重、地僻故應無暑到。林深長自有雲封、
千山夜雨增飛瀑、半壁朝陰翳古松。已覺人天
坐、超忽、況餘清簫雙疎鐘。

華亭鴻時可碧雲寺○諸峰廻合競巒屹、暇日憑
欄拈掌看危石、立雲雙笏秀、飛泉散雪四時寒。
魚銜午襯遊知樂、鳥啄春花語似歡、幾欲禪棲

淹歲月、終驅塵馬入長安。

亳州朱宗吉碧雲寺○路轉林藏寺、晨光未啓闌
寒雲生遠樹、清磬出空山。閒客拏奇入、游僧乞
食還茗香。烟藹藹丹碧、豈人間。

應天朱之蕃碧雲寺○飛泉百疊繞經壇、龍江龍
池白玉欄、立石似聞僧語炳、躍鱗曾待聖人
看。前村斷磽收殘照、一指深春尚曉寒、草馬喧
鬪非我事、青蕤花徑足盤桓。

蕙蘚葉雜榮再宿碧雲寺○月帶霜痕梵殿清坐
臨縹紛一身輕吞山白霧連天色出破飛流亂
樹聲石洞方圓無畱致竹泉聲影解修名欲歸
且作須臾立魚鳥于人倍有情

信陽周復元宿碧雲寺○泉從天上落寺擬畫中
成活水無風皴長橋墮月明青山醒客眼碧樹
老鶯聲促騎看回路北巖無限情

仁和黃汝亨宿碧雲寺○石徑條清靄秋高林未

補孤亭霜葉下。半幅暮雲歸。桂影樓邊復。泉聲竹裏飛。安禪吾亦適。虛白坐相依。

江夏郭正城碧雲寺○萬疊千巒皆古刹。風旛雨
鋸蒲西山。池龜施食游魚出。樓下鳴鐘夕鳥還。
嶺日不禁烟漫漾。林花未敵葉朱殷。無人遂此
辭塵去。一宿禪關也是閒。

急難鴻有經碧雲寺○日近龍宮麗。諸天寶物浮。
鑿山迂複磴。激澗引廻流。竹影分亭晚。松聲送

谷秋虛襟潛無着去寺更淹留

溫陵許辨遊碧雲寺○微雨青槐道風裾度石渠
泉清魚動日栢密鳥爭涼古洞盤雲朵野花和
露芳名園誰得似艸木發山香

慈谿楊守勤飲碧雲寺○月落空林冷言僧已入
定客子獨豪吟大擊雲堂磬○雲堂中夜坐月
向後山沉鐘與僧俱定此時無鳥音○羣勤俱
息已香聞如薺荷乃察僅臭聲乃觀昧爽色

丹陽賀世壽碧雲寺○雲廻磴折散珠宮。泉湧僧
厨曲曲通。搔刺文魚護作片。扶疎寶樹月初弓。
不嫌凌奪荒寒趣。自喜莊嚴水石工。更是泠泠
隨夢去。疑風疑雨下蓬空。

景陵鐘惺碧雲寺早起○人語翠微聞。啓門雜雜
殘照濕初暎。行經絕澗數花落。坐見半山孤鳥
翻。月去寒潭林影換。雲依閒甸草頭溫。與君更
厭類移榻。最爽秋陰非一村。

新野馬之駿碧雲寺○金地停車問、香臺結伴登。
井厨兒自落、棟宇石俱層。題竹沾新粉、攀荷折
腕穀、含情追往歲、名署壁間骨。

宜城吳伯與碧雲寺○剝雲飛剝到來殊、指點烟
蹤片展扶干、簾漢藤高石座、一絲晴雨注僧厨。
魚當洗鉢香時出、鳥是聞鐘靜後呼、格外放譚
深對酒、虛空一字繫還無。

興化吳惟碧雲寺○對山如對僧、幽澹乃本色。金

碧爲莊嚴無乃山之厄人言碧雲佳佳處未曾
得松濤靜逾冷竹翠秋如滴而我坐空亭冷冷
似幽客起酌碧雲泉長嘯秋雲碧

上虞倪元璽宿碧雲寺○大峰如杵細如芒看閣
圖書枕卽床耄石維花廻篩案瘦雲肥兩鬢禪
房翻經背寫游山記引衲頭鈔釀酒方曾道逢
僧閒半日到來三日爲他忙

公安袁中道碧雲寺○寶磴山全琢葵題日落

金鎖長護果石白遠那泉鵝脚葵分雪漁竿竹
媒烟市塵如火炙古洞冷方眠

漳州張燮碧雲寺○遠鐘近磬客新聞驚見林端
丹碧文花點竹闌疑帶雨泉傾石罅遠流雲亭
臺錯落諸天出龍象莊嚴四野分長是遊魚親
聽法相忘人影自羣羣

景陵譚元春碧雲寺麗甚題之○幸在幽人隱層
層金碧通鶩心多事日識氣不貪中鬼下牛堂

壁、松高鳥雀風、眼光非亂射、散作萬山紅。

碧雲寺施朱魚歌○碧雲池上金鯽生、不網不罟、邀天成、飢來未敢食、蠍蟻時有高僧梵、呪聲一生弘慈仰來客、出入池上此心追、如袖餅餅慰嬰孩、來亦不忘投不養、餌上鉤下浮片片、大魚小魚唼水面、明知人有佛、天心忽開人語翻、不見池定餌消我徘徊、明朝自有給孤來。

公安袁初年碧雲寺○金碧燦人睛、白晝唐述盈。

秦時與漢初。自然讓峰巒。瑩石琢爲術。下傾聲。
硯硯輝煌到幽澗。不敢自深泓。書生鶩物力。默
坐想邊城。

孝感傳淑訓碧雲寺。○佛供盤松偃栢。僧居闌杏。
穰桃富矣游人游。具茶璫酒瓊詩毫。○洞巖倒
立石筍澗水西來落花。朝雲迷處僧舍。暮山影
裏人家。

嘉興譚貞默到碧雲。○纖雨纖風刷市塵。蕙魄山

色寒驟人慕。開寶界流新眼、消得重重妙麗身。
碧雲感懷。○若個金錢施真底。碧繡叢泉葩生
焰采。山葛特玲瓏。模篆垂天藻。雙鏤出鬼工。莊
嚴皈淨域。窮梵妙圓中。取鵠文方赤點。達訥積
紅驚心對。魚影莫奏鷹鶴詩。

豫章胡汝喚。碧雲寺。○古刹倚碧岑。丹青列九霄。
峯巒懸日、半天近隱塵。遙飄魚鳥知鐘磬。松榆閣
羽旋。和霜炊葉紫。憮得入林樵。

莆田林堯俞宿碧雲寺○驛馬憶曾到重來今才
年魚閒猶在藻僧老別安禪曲水通山竇疎櫛
染竹烟夜深清磬發隨意石床眠

南昌樊良樞夜宿碧雲寺聽泉○名刹夜燈幽澄
懷卧亦游寒窓衆壑籟清咽萬林秋向得若彌
濶夢聽如枕流非緣僧棧引泉意自來周○水
流每在曲聲色使人耽霧檜晴無歇濤松靜不
諳醒知聽夜盡夢卽到江南孤枕身何處寒山

佛。一龕。○脉脉去淙淙。僧厨謀水春。芙蓉悲永
漏。柿葉下。疎鐘細響。悄吟澗。危流高應松。不知。
非夜雨。慵卧誤遊踪。

武進管紹寧碧雲寺卓錫泉。○無窮淺碧澗霜苔。
引到深源路幾迴。鶴已蒼崖脚錫去。龍猶赤水
噴珠來。清添露梗香初滑。寒上秋鐘濕不開。未
許山僧斟酌意。遠分一曲與流杯。

長洲徐沂夜坐卓錫泉。○減燭聽流泉。其聲默然

善微躬昏暝內至清一以練物靈隨我裁乘
在聞見崇深終古心孰者爲之禪天地節其勤
赴壑不欲先夜泉非晝餘于中委生香耳亦無
竭時鐘聲寂深殿

景陵胡桓碧雲寺○紅綠無人採西郊惟此春地
移衆香國僧現宰官身新舊從山主高深役甸
民識將金碧氣矜語未來人

懷寧劉若宰宿碧雲寺○夜色猶貪山上頭留因

愛濟學僧休。秋綿夢短多霜覺。宿葉聽微亦霧
曉。此中清福思共殺。身覩泛水悟輕舟。朝餓晚
醉。誰開擲但荷山綠葉。冉終。

宿呂大器碧雲寺。寒山幽草自蕭踈。客到香
臺鐘定初。暮幕石苔新舊徑。淙淙流水淺深渠。
錦生萍葉魚攀出。半在松林鳥各鳴。自社有盟
曾未去。獨行深院轉蘋頭。

孝感程良孺碧雲寺○勑蘊風幻爾山雲鑿骨

雲總一青鶯花光爲金色界龍泓聲作雨霖鑿
籠霞散際檐楣合老樹吟時鐘磬停百極欲窮
幽僻徑松寮半啓半仍扃

呂平韓四維碧雲寺○紆道晴閒望際遐冗身一
宿梵王家溪先待客烟籠馬遲未胎塵草藉茅
可卧林兼天上月不停池隊水中霞春明寶氣
銷梨夢孤塔寒雲擁杏花

筠陽郭之奇碧雲寺○偶借軒牕向夕閒飛塵遠

處靜雲還坐。看日落歸山色。欲引風清放月顏。
夜半一燈僧榻暗。秋過九月客途殘。階溪殘樹
長堤影。却憶瞿瞿鐘磬間。

武昌孟登碧雲寺○壘荷斬竹形雙喜。照佛山靈
唯罷聽。地迥空錢僧尚說。碑古寺丈客無銘。燧
穿深欲窮泉壞。櫛盡光寧讓日星。海子未收冤
骨在。何人爲請此中停。

上元姜承宗碧雲寺○林影差差秋萬平。碧雲殿

閣照分明燈閣馳道村烟密路夾障
車馬自多鐘磬靜管絃時接鳥蟲聲也隨人事
間衰盛歎息山靈無定評

沛縣閻爾梅碧雲寺○金碧垂空日影寒、跕聞鐘
磬正傳聲、山亭風札存、先帝學士鴻門表、內
官活水分穿僧閣聳高峰羣抱法幢安、巋然原
是神京護壠下何人土木碑

孝感程正揆碧雲寺看月○蒸市月在碧雲光欲

娟上有龍湫之清泉。下流月光洗山骨。空山無
響。松木溝山月爲我開。天窟酒杯落濱。嘲歎發
發。氣然林木涼風鳴。雲烟在胸。酒在囊。

常熟宗發碧雲寺。○逕除荒落。唐調盡刻鏤橋。見
說先皇幸無茲土木。沃豐碑云。邇古華表欲
千霄。彼美益雙哲。何慚思四朝。

吳橋范景文碧雲寺。○山前秀芙蓉。積翠明天繁
茂。飛樓接蔚以青爲郵。遙望屯靈境。問人。是王

靜慧、風氣舞旃龍。風定裊裊細香積玉一剎那。
戴鴻泉逝，照出淨明心。秋澄而月霽，霞光簇
臺寶粧青螺髻，金碧錯琉璃。石繡花文砌，蕙草
天生成。人工加點綴，法王依帝城。自應如此，
稽首嘆莊嚴。人間真福地。

桐城姚孫榘自碧雲之福田道中作○秋當兩
爽能深坐入林深翠欲霑碧水依苔容石激
楓借日敵霜嚴僧鐘遠近清相和寺徑盤旋

不嫌極目迷。荒天一色中。峯霧定。晚烟橫。

南海采掇碧雲寺。○皮石刊山梵宇成。紹臺岩磬
散雲坪。誰將竹下靈泉韻。聽作中流宰樹聲。

華亭朱灝碧雲寺。○渡鑿鑿澤山面。峭崿剪長天。松
語鳥方息。織霞嘶鶴懶。嬾雲卧磴席。古槎露危
年。照落上丹碧。呵缺張月弦。空翠隱霧夢葛蘿。
老坂緣西曉。閑竹龍幽秘。棲石壓。

洪光寺

寺香山之最上。洪光寺猶天山夫寺耳。所尋徑也。
奇徑以外不見徑也。柏左右葺之空其間三尺。俾
作徑。柏有直者幹矣。奇在枝橫。幹不盡修也。枝旁
修。幹不盡壯也。枝股壯。幹有葉。微焉爾。葉掌片
片。枝又枝交生之。幹柱焉。枝櫛焉。葉屏障焉。人行
徑中。上丁丁兩者。柏子也。下蹠蹠碎者。柏枯也。耳
臭所引受。目指所及。布聲光香觸也。徑而上。百步

一折、每畫一折、坐僵手桶息焉、從枝葉隙中、指相
語、上指玉華寺、再上指玉皇閣、下指碧雲寺、再下
指弘法寺、凡折且息十有八而徑盡、至寺門、香山
乃在其下、寺建自鄭長侍同、長侍生高麗、其國王
李禼、貢入中國、得侍、宣宗後復使高麗、至金剛
山見千佛統毘盧之式、歸結圓殿、供毘盧、表裏千
佛、面背相同也、自爲碑文、自書之、

長洲文徵明從香山至洪光寺○僧月池璽大利

雖不知賜額自何年，折從一十八脊。森然祖禪衍三
千，若舞神龍步九松。枯孽鶴徒游，深苔靜壁蠟蠟。
詔言芳景惟僧在，盡落迷人眼界前。

題天陳沂同丈待詔登西山洪光寺。○九盤石磴
上招提，路出巖堯見古題。極目風烟雙樹迥，回
頭樓閣萬峰低。聞花開落青春暮，細水從容自
日內。竹木蕭疏多處蕪，幽禽各自足山溪。

丹陽郭外那洪光寺，○綠暗深深入。林端梵宇開。

暗嵐飛鶴鶴秋色譜莓苔磈轉山容變雲移塔影來遲回不得任蒼山復塵埃

順天剝餘澤洪光寺尋迹池舊跡○石磴攀躋意未闌流泉湧影滅衣襟金藏金粟三千界山擁青巒○八盤地古松蘿枝殆盡春深淵壑雪初殘蓬僧欲訂蓮花社轉憶滄桑幾度看

慈谿鴻有經○洪光玉華前寺○秋山過雨濕苔垂、釋杖寒窓度石危、古寺入雲人迹少、幽林通

名老僧知身衰自覺投閒定此無憇曳步
歷歷諸天行欲遍不須回首問歸期

和黃汝亨洪光寺○齒齒步叢薄香林又一峰
蜿蜒巖九曲屏障柏千重寶篆函金粟圓光聚
紺窓杳然人徑外隔寺冷聞鐘

丹陽賀世壽洪光寺○游筇集處靜還喧別選孤
清絕巒尊草木縈紆斜抱寺千峰窈窕正當軒
鍾生幽谷日中午花到深房春大繁偏歷精藍

惟此勝莫移半榻且高真

景陵譯元春經香山上洪光寺尋徑○登登物物
是森森携有泉源到樹音松柏半天皆暮色誘
人風而曉秋心

吳縣徐渭行洪光寺徑○一徑一幽步、詳緩不敢
趨、恐失初聞心精神與紆折杉松氣無方攀散
各就列鬱然野人藩有跡無歸輒游情勿強攀
高下隨所闊同侶或殊陵谷自深淺設不盡者

一徑幽事勿令絕，行行止止間。
市需知本末，昌平韓四雜洪光寺。○淺着春衫折紫稜，松門不
列浪花屏。雲飛野草長，楊路日觀高巖大智燈。
默靜鷺拳歸向佛，誓來鶴笑住非朋。自從招徑
深深步，銷瘦烟霞骨可憐。

孝感傳淑訓洪光寺。○蟻蟬廻環磴磴，嶙峋瘦削
峯巒。梵吸匱空千佛，濤聲夾道萬松。

孝感程正揆同倪何二子登洪光寺臥松風下。○

何年鬼斧開天壁。豁危動風雨。久巨蟄無力。
關五丁。大地攀空漏。一隙上。有千鶴飛錦來。僑
居。又有萬松夜沸鼓。宮春自雲芳。草足蒞生雜
杳。羣峯低百尺。我來欲叱山。那起日吸青霞。尚
漱白石。洪光是枕。攀藤是席。手把星辰劍。銀漢
一彌空。谷金石響。泉流碧玉太清。客心千古
同。雲碧二子笑指東方曰。

頤天王嘉謨玉華寺。○相峯間淨坡十丈。植丹楓

坐歇平湖淺半分，萬嶺低斜陽。傳塔影，飛漫雲。
鶯啼自覺諸天近，香花聚路駿。

武進陳祖毅洪光寺楠徑○貼壁能除路，亂橫枯
樹。巔澹聞香暈翠，清見露回鮮。半磴游人遠，
盤高寺廻曉。僧扶杖入，枯絕亦翛然。

常熟宗發洪光寺○石磴回盤柏逕通，蒼藍逼出
萬山翠。惜春鳥語花飛過，亭午僧鐘客到遙。竹
棧引泉侵夜夢，林樵荷月共晨供。紅角忘邦疏

塵道日與雲居第幾重

臥佛寺

香山之山碧雲之泉灌灌於遊人北五里日遊卧
佛寺看娑蘿樹也。山轉凹寺當山之頸泉聲不傳
石影不遠行老柏中數百步有門甕然白石塔其
上寺門也。寺內卽娑蘿樹大三圍皮鱗鱗枝槎槎
瘦累累根摶摶花九房峨峨葉七開蓬蓬實三稜
陀陀叩之丁丁然周遭殿墀數百年不見日月西
域種也初入中國泰山天台與此而三游者厄树

則遠矣。不知泉也。右轉而西。泉吻吻來石渠出地
已五六里。寺僧分泉入花畦。泉不更出。寺長住。花
供之。不知泉也。又不知石泉注于池。池前四五古
楊。散陰云云。池後一片石。凝然沉碧。木石動定。影
交池中。石上觀音閣。如屋複臺扇。閣後復壁。斧乃
削制。高十仞。廣百堵。循壁西去三四里。皆泉皆石
也。寺唐名兜率。後名昭素。名洪慶。今日永安。以後
殿香木佛。又後銅佛。俱卧。遂目卧佛云。寺西廣慧

慈東五花閣更西南也法寺寺內外種皆龍爪更
南張公兆張公一女二子女文皇帝妃子封彭
城惠安二伯其封也以軍功

金壇王樵卧佛寺○別院對廻廊修門鎖花木開
謝山無人虛堂自芬馥清風無已時疾徐在深
竹我就繩床眠爲待烹茶熟前山未須往但留

佳處宿

江陰鄧欽文卧佛寺○古佛何年卧空山日月低

寺鐘寒不歇，溪路碎無迷。蟲彩飛椿象，禽音竄竹鷄。殿墀瞻老宿，喬樹種來西。

盱眙李言恭臥佛寺○二佛臥何日，娑羅初種朝游人。摩頂踵近寺，接根苗寂寂。却先覺荒荒，年後洞山泉相與古。不走入塵囂。

臥佛寺牡丹○不道空無色，花光照酒杯。祇疑天久散，絕勝雒陽哉。杳與青蓮合，陰隨貝葉來。佛今既未起，說法爲誰開。

深縣王在晉游臥佛寺○佛說臥非臥是名臥佛
因坐無功朽骨像亦表天真欲器前塵目全舒
自在身法輪垂手轉花甲枕肱新睡夢何言覺
忘情豈有掣乾坤呼吸老世事展翻頻萬態雙
眸外千秋一息臻渾淪窺妙悟混沌足元神嗟
爾浮沉輩邈然未籍人

應天姚汝循臥佛寺○斜日叩山扉茶烟裊裊微
簷雲將作雨飛靄忽沾衣古樹標前代鳴泉喧

息機、泊巢、轉瑞像、愈覺世間非。

顯天祖教祖采安寺臥佛。○雙樹何人植。如來偃在牀。三生開覺路。萬劫委慈航。示寂形應苦。調心夢轉長。檀施煩問訊。全足用津梁。

仁和黃汝亨臥佛。○亦爲青山客。無時不臥遊。高陵缺新年。浮華悲暮秋。寂寥全棲石。虛空半化煙。我來親授記。長日卧高丘。

嘉慶袁中道臥佛寺。○山深雙佛揭。鈴磬影斜陽。

萬、珍、花、爲、國、千、圓、樹、是、王、覓、泉、源、更、遠、尋、石、塔、
偏、荒、數、里、新、篁、路、翁、無、似、楚、鄉、

丹陽賀世壽逢閃仲畏太史同遊卧佛寺○秋容
一徑中、含吐狀無窮。霞散初肥柿、霜輕未醉楓。
自然幽意愜、偶得素交同。窈窕幽柄裏、山泉處
處通。

吳縣姚希孟卧佛寺聽泉○誰將石齒齒、激出玉
潺潺、亂瀉松濤急、分敲竹韻閒、雲深漸靜夜、月

落響空山一杖猶堪夢乘雲接珮環

五九

景陵胡恒卧佛○不是津梁倦、荒山眼界空、一龕紅濕外、三昧黑、耕中有願香、花蒲無聲器、鉢同先皇施大被、曾爲覆春風、

吳縣釋修慈臥佛寺○臥佛茲山久、應知亦受山、鳥窺鐘影亂、鈸語塔風閒、客戀娑羅好、僧愁蘭若艱、靜喧同此意、誰見月光灑

涼州吳惟英臥佛寺○山門雲破塔高懸、碎路行

來久不前。佛因似經千劫老客遊。曾記十年前。
稀光點點分紅日。竹韻茫茫合翠烟。西麓試探
泉盡處。坐聽石隙澗涓涓。

公安袁祈年娑羅樹。○異種來震旦。千紀戰風霜。
驚電莫能照。山鬼安敢藏。孫枝分他嶺。亦可稱
樹王。幹膚如桑鵠。凡木無足方。惟優曇鉢羅。殊
勝爲相當。呼老衲扣之。語焉而不詳。惟言童至。
今菴藪不異常。僧臘踰八十。頭白如樹蒼。語罷

各歎息、晨風破烟翔、

卷十一

嘉興譚貞默娑羅樹歌○寄山叟翁先生
無過五土賦此種流傳印土園之說
識梵名却喚娑羅勒豈亦具材無用也
月失晨星報國古寺兩怪名餘念其事
娑羅作宿松作主吾將揖讓成會同佛爲
靈護西東卧治娑羅坐理松不爾神物飛作龍
安得老死遊其中

宛平千奕正娑婆羅樹。不知老樹年。一簇婆羅名大葉。小葉青如剪。千螺萬蝶繞根生。增前數畝數百載。日影不向其中行。耳中惟聞雨大作。出樹乃見天空暗。人間誰欲爲知舊。漢柏是弟秦松兄。譚子昂首爲余說。泰山會見蔽日月。

景陵譚元春廣慧菴同譚梁生袁田祖甫宿于司直舊齋。○山泉處處虛、細雨欲何如、滑有明朝。

路安惟舊日居。稍多僧出乞。硯在客來書。靜守
禪燈暗。知無火照墟。

江寧倪有淳初夏再過廣慧菴。一類年曾此住。山
氣入門幽不改。僧鐘磬多經客去留。緣方迷徑
艸。紅欲到盆榴。驚鳥驚飛去。惜余是再遊。

吳縣釋修然居士。字子厚。爲著題山寺。泊空月
似秋。茶菴苦蘿磚。全幾設一庭。幽樹響通懸谷。花
香來近。真靜聽。未露下。宿宿鳥。義驚投。

大倉王世懋弘法寺夜卧○禪榻一燈卧、跡鐘萬
井裏、月痕松影落、窓色鳥聲廻、鄉夢醒還續、
愁老自催、吾知三徑好、不改賦歸來。

水盡頭

觀音石閣而西。皆溪。溪皆泉之委。皆石。石皆壁之
名。其南岸皆竹。竹皆溪周而石倚之。故難竹。至
此林。林。嵩。竹。丈。始。枝。筍。丈。梢。簾。竹。粉。生。於。節。筍。
精。出。于。林。根。鞭。出。于。蘿。孫。大。于。丹。遇。隆。教。寺。而。又。
西。聞。泉。聲。泉。流。長。而。聲。短。焉。下。流。平。也。花。者。渠。泉。
而。役。乎。花。竹。者。渠。泉。而。役。乎。竹。不。暇。聲。也。花。竹。未。
役。泉。猶。石。泉。矣。石。辨。亂。流。衆。聲。漸。澌。人。踏。石。過。水。

珠漸衣、小魚折折石、縫間間、足音則伏于芷于沙。
雜花水藻、山僧闌叟不能名之草至不可族客乃
園以花采采百步耳互出半不同者然春之花尚
不敵其秋之柿葉葉紫紫實丹丹風日流羨曉樹
滿星夕野皆火香山曰杏、鵠山曰梨、萼安山曰柿
也、西上園通寺、望太和菴前山中人指指水盡頭、
兒泉所源也、至則石窟中、兩石角如坎、泉從中
出、鳥樹聲悲、泉嘈嘈、不可驟聞、坐久始別曰、彼鳥。

華寺。然尚游者樂。因佛軒返日。則歸無室。

長湖文灝明卧佛。手觀石。明霄青。至宜武閣。○道
傍飛澗玉。淙淙下馬尋源到上方。怒沫灑空經。
雨急。狀流何處出。烈長。有時濛石闕。夢境便欲
沿洄汎羽觴。還約夜。有明月上玉花閣。下聽滄

浪。

常熟陳瓊從卧佛寺緣磽至水源。○一泉分碧淺

精藍雲壑遙振策探崖轉細流生亂石風迴
清響下蒼嵐行當密樹迷深徑覓到幽源恰傍
菴老矣何心猶世味冷然孤榻夢應酬

長洲文肇祉登五花閣○薜蘿深處一虹流碎石
疎花曲磴幽涼客集林仍自醉萸堂霏整卽如
樓凭欄遠指千峰雨靄閣虛疑五月秋欲住此
山繕琴韻只愁車馬未應公

王虞觀元暮秋入水涼○山翁拈去增烟肥茅屋

人家紅葉飛。我說是秋都不信。此間春却未曾歸。

京山王應翼水源看紅葉○霜受有深淺果葉亦異姿濃澹入遙空薄霞生綠枝微照何能及愛此山風吹鱗鱗紅相襯苔根青參差我作春容觀反爾忘其衰其情領冬氣乃以色終之高嶺及幽壑升降目所私不見橫斜影山山相蔽虧斬木黃耳鶴游卧佛寺尋山泉發源處○古佛卧

不坐古泉山不谷其道良有然思之已幽曲所以石壁間篠徑往且雙林翠竹輝光寶葉丹相屬秋成顧不勞鳥殘人跡蹤每泉分一枝爲竹萬竿綠破寺疑無僧廻見僧來前泉起佛坐邊尤矣根因夙

素陵譚元春入水源○嵐光田野雨初歸溫滿幽
崖月抱禪寺寺秋深深不得蜻蜓蝴蝶髮中飛
太和菴前聽泉○石選何方好波濶過接時應

須高下坐、徐看吐吞奇、魚出聲中立、花開影外
吹、不知流此去、譽到幾人知。

爰平于奕正太和菴前聽泉○踞石坐高下、泉流
石亦往、入松失其濤、靜過見天象、携來一片心、
到此而憮恍。

廣泉廢寺○何代山藏寺、松老今古陰、佛荒迷
半鬢、鐘斷覆全音、偶與閒人步、殊闕創者心、辭
泉尋徑去、嘆息出高林。

吳縣釋修懿水源○亂石參差出、泉光碎、不全、源
應逢此地、聲始沸何年、吹壁寒秋雪、翻薄響暮
烟、稽留來聽者、幾生幾回眠。

五花寺○五花何代寺、一月兩回過、避賄腥歸
草、生涼氣在蘿、供茶僧太老、題閉宇皆磨、夙送
諸山暝、移筇發浩歌。

廣泉廢寺○破寺住餘蹕、蕭蕭鳥亂飛、殿荒藤
作壁、佛老薜爲衣、雲遏鐘聲杳、苔封榦齒稀、寺

看興廢事。惆悵暮山歸。

嘉興譚貞默水源○尋入太和菴。忽見水窮際。石
角相扶持。開闢無根蒂。黃葉棲樹間。鳥鳴時一
墜。飛觴過泉峽。雜坐互傾盃。余飲不逾令。漱泉
以當醉。鹿鹿羈鞅人。遇此發清慧。

山陰張學曾遊卧佛寺至水源○秋色照衣上。晴
旭明林端。塔指高峰白。溪心落葉丹。僧貧知寺
候。客少爲山寒。絕壁天光薄。分泉地脈寬。栎林

影舞韌竹園聲琅玕。揮杖穿叢薜持觴就酒湍。
招游三竺似。靜日小年般。石磬因風遠。蘿牀對
月殘。醉歸仍緩步。歌詠有餘歡。

順天毛鏡入水源。○入山幽不已。巖想初古霖。有
徑盤青螺。無土采片席。卧難擇石危。我困泉亦
急。傍千險處菴。依石依松立。出地水連疑。相觀

坐舉曲。

太和菴崔闢予見過。○秋出幽雷谷。秋菴夜氣

索來我所懷人、茗酒深怡悅、凍螢映、聽飛鳥、嘵
曉、將徹、濛濛霧片時、乃見山分別、數岸楓樹、氣
一、段、柏、徑、折、溪、聲、出、有、踪、石、際、非、霜、雪、夜、語、寒
未成、朝光復難輟、

嘉定李元弘水、源、贈、僧、○僧懶、烟、竈、與、泉、通、寺、熟、
歸、雲、廝、廝、同、得、水、竹、光、爭、日、好、矜、秋、柿、粉、飽、霜、
紅、老、安、丘、壑、神、明、蕭、蕭、對、人、天、瓶、鉢、空、羨、爾、今、
年、生、計、穩、西、成、消、息、在、林、中、

廣泉廢寺○不知山有徑、白日氣森森、殿掛幡
幢索鈸搖梵唄音、所嗟僧易去、亦嘆佛無心作
禮悄然去、歸云已在林

中峯卷

中西山而策焉。美高半峯。澗峯意左顧其左支。張
而左。左澗水從之。晏公祠翠巖寺。永壽庵。宅山陰。
門水陽。其右枝遠而亦左。右澗水捨之。弘教寺。宅
山陽。門水陰。兩澗右會而橋。橋邊而門。門冠塔三
尺。弘教寺門也。入中峯左右障。率是門也。游者難
嶺上之永壽庵。而樂翠巖之麓。今去去不欲入矣。
翠巖先有老梧桐數株。游人詩多成其下。擇梧葉

書之。寺有僧怪客不携金錢，剗桐賣琴肆中。又久，失其精舍，以絕讀書者。自是，嘗計月間，客來坐佛殿也。竟過翠巖，則入姜公祠，出乎祠後數十步，彌危磈十百者三，中峯巒突，基址無石，堦磴崎徑，盡可攀躋，不生一塵土，無瘞也。不以風振，不以雨潤，松蒲蔓，簪釵設然，左右巖洞，洞洞石曾，苔染流陸者，偃者橫直，倒者渺者，背相負者，未止輒止者，方轉未畢轉者，猶怒松鼠出入石根中。

淨滑說曲不可撲矣。澗南上弘教寺廢寺也。二木
歡喜佛蹲石配殿中。遊者往往藉其重腹下。曰宜
男也。

臨朐馮琦中峯菴○中峯何高高孤寒起寥廓。寺
樓相望見石徑相參錯。振衣立爽墳。舉杯向廣
一莫。不知山路盡。但見天宇豁。對面薦門轡。青紫
點危削。遠樹若草科。西湖豈盈勺。萬象各自爲
片雲隨所消。洞龍雨工罷。霞漫漫歸舊壑。

應天媒汝術中峯巒望都城○孤亭倚絕壁晴望
見皇都天闊疑飛動人烟乍有無點長五色
現勢有萬山扶下世知河限辰居仰聖謨

安陸何字度中峯菴○百山山嶺高此處更深深
鳥道幾千折雲梯屢日尋星紅花草簇簇白石
苔侵過雨松花灑幽香上客襟

慈谿鴻有經中峯菴○路轉中峯盡森森白石齒
氣外開鳥入雲石伴蘿靄老衲莽辭客閒人直

漫遊寂無塵得至清夢亦應休

公安袁中道任中峯菴○宛平于奕正中峯路森森松竹
林當風颶谷口背日坐山陰仰視星辰大俯看
雲物深晚烟侵骨冷未可薄衣衾

宛平于奕正中峯菴雨後看澗水○澗石怒且裂
未雨備雨變六月漲易生水令石不見飛飛自
狹來一道橫斜縫石冷水忽立聲光杳雷電笠
屐霑欲寒舒陽獨坐羨

長洲徐沂上中峯菴○大過荒深未易菴。佛座殿
草老僧堪。峯峯有路無爲事。徑徑俱幽雲所西。
士女不來香火冷。牛羊又下客心耽。千山暝合
光誰照。知是將燈入夜龕。

山陰張學曾宿中峯菴○山月情如驕和烟，骨一
圖。不知秋在樹。但覺冷生衣。葉帶藤花落。鳥穿
雲影歸。游疲心未足。夢繞四山飛。

江都梁于渢中峯菴○白石峯頭青點苔。石菴無

土更無埃。芒蹊能帶塵多少。夜雨增泉洗下來。
○樹生石隙葉。野流有數閒。僧居上頭澗水巒。
枯麇野菜。不同人世歲成故。

定平王崇簡從香山過嶺訪于司直中峯菴。聞其歸而止。○松風沉沉夕磬中。一峯兩峯青濛濛。過峯始聞君出寺。雲氣去來山徑空。石泉大小聲強弱。泉語不明石影傳。思君去卽我來時。耳目心情照巖壑。

桐城方拱乾中峯菴遇雨○直入欲無寺、青天夾徑松、上樓初到雨歸路及過鐘菴令殿容古晚蒸空色濃、溫筭應不姪、溪韻與之從

安定胡應麟翠巖寺○亂峯深一杖、露水半身衣雨蘚封牆址、爛蘿胥石屢暮鐘山鳥下、夜徑水螢飛、滿院桐陰合、高泉聲正微、

烏程沈聖岐翠巖寺○春寒漸斷禁啼鶯、無數飛花別我情、記得前年舊遊日、翠巖山而上峯晴

嘉善錢栴翠巖寺秋夜○月暗作風色相初抱
警。燈寒花未能。砌弱蛩聲猛。香循舊雲窩。鶴影
落寒井。無限無賴心。到秋不能靜。漏深鐘意寂。
布被幽光逞。

閩縣董應舉自西嶺抵通光塔下行至弘教寺水
亭○無山不可眺。况是菊花秋。認塔綠崖入。隨
雲到寺遊。亭虛松徒蔭。葉積水潛流。坐覺諸天
寂。行歌殊未休。

長洲王禪登弘教寺。樹裏山門破，蕭然絕四鄰。
老松多結子，僻路不逢人。只此畿中寧，何無市
上棗。春花秋盡果，未便寺僧貧。

晏公祠

二氏野祀也。儒國家典祀也。天子親幸行釋奠禮直省郡州縣衛莫或不廟。詔天下守臣春秋天下儒臣朝夕天下生徒誦授昏駿奔走固不屑與寒林空谷爭錫鵠飛棲地矣。寒林空谷固亦不可無一趨中峰巷者不得越晏公祠。祠正德中晏長侍忠所立也。過洞石橋過橋石門曰道貌門石殿三楹像皆石上像三皇五帝三王左像周召孔

孟諸聖賢右像周程張朱諸大儒壁五石龕一龕
標一經名維以藏其經殿外一石亭亭壁列鍾簴
千戚錢鏹弁裳之屬一如五經以便治是經者左
龍馬馬毛旋五十五數具一如河圖右龍龜龜甲
四十五數具一如雒書東堂三楹壁列忠臣龍逢
以下孝子曾閔以下右圖而左書其行事以告觀
者凡石像石壁所形勒渾然茂朴中國古初製也
非漢以後西域像法務金色爲好務變相爲幻也

堂後累石爲洞，洞壁標先祖格言及摩道詩，蓋性
理之半。以待游者觀感，省發。祠今居守者一僧也。
仍于其私室設彼教像，翻彼教文字焉。躉嶺而北
三里，三教堂守者亦僧也。折其堂木植瓦石，盡賣
以去。三像露處久之，香山寺僧過載釋迦歸已，而
玉皇閣道士亦載去老君像。逾年，惠安伯乃過驚
宜聖野處，乃迎供山莊。而野僧道先是私竊自夸
也，曷往觀乎。費宮矣。

蘭谿姜應甲晏公詞○空山石祠堂落穆跨深壑
肖像古聖賢高下坐淵漠嚴墀列龕龍如出自
河濱煌煌先儒語所爲忠孝作性理二百卷壁
壁見大略歷覽感我心人傳晏公鑒厥志在尼
山高獨立所託媿哉彼儻施榮血金丹腹

盧師山

石子鑿鑿故桑乾河道也。日盧師山有寺曰盧師寺。正統十一年更名清涼。今佛無殿已。一梵相坐。風露甲左右迦葉阿難風露中侍喬朴非中土威儀又端好無風露色僧曰唐天寶製焉過寺半里者秘魔崖是盧師晏坐處相傳隋仁壽中師從江南棹一船來祝曰船止則止船至崖下止師遂崖居居數歲二童子來曰大青小青願侍不去歲大

旱所司徵禱雨者童子白師乘師願願施雨雨一
方也遂乘雲氣去俄雨大注知大青小青是乃龍
矣龍歸投潭中潭廣丈巨石覆之深黝不可測二
龍有時出雲氣仍隨之崖下塑二童子侍師像崖
上一栢產石面長尺不獨不榮是盧師手植今臨
崖軒三楹俯深澗樹聲達達尚棹船水聲也東證
果寺寺傍有亭望潭河下善應寺殿佛不結趺高
几危坐儀如中土兩廡塑羅漢五百穿崖踏海游

戲極態暮矣偉畫卷也。吳號小仙。又知宣廟裏北昌化寺壁其手跡。

永豐曾榮游廬師寺○久懷清涼遊今此得深訪
巖壑相翳藹闌檻俯虛曠異花出洞飛古柏凝
池上欲識雙青龍變化亦何狀

安福李時勉廬師山龍潭○漱中龍何許聊自東
南峰傍崖下陡絕緣徑披蒙茸屢險屢復憩始
與前山通寶坎覆清泉神物潛其中林谷爲森

爽、煙霧爲冥濛時乘雲物去、靈雨下晴空既雨
旣湫處年穀亦以豐明祀大小青、盧師與無窮
泗州郭武雨中宿清涼寺○遠來禪境宿深在濕
雲層險路無人跡空堂有佛燈共聽青嶂雨對
坐白頭僧話久何曾睡聞鐘客又興

遊秘魔崖○青磬烟蘿出神母絕頂間路如青
嶂險潭每自雲還金鉢龍雙隱厓船栱獨閒渾
河拄杖下知隔幾重山

吳縣蔣山鄉清涼寺龍潭○潭水清如許龍藏深
未知珠明護燈夜雲暗聽經時法雨空中霖塵
灰劫後移還將馴擾力指鉢問吾師

會稽陶允嘉秘魔崖○秘魔和尚道金仙扁舟一
葉隨風顛誓言舟至卽我緣果然止止桑河邊
載舟于壑茅其巖天寒夜抱撲遲眠金鉢咒水
怪蟻蟻有二青童合掌前願爲弟子朝夕禪朝
禪夕禪已三年滌滌慘慘颺走川下土噭噭朝

使宣疇若予民爲解懸青童招雲辭法筵雲上
雨下彌平田雷雨農庶聲喧閒雨止翻身入深
淵自言龍子今上天農先四民輸金錢樓殿出
厓影翩翩至今掌有真人跻崇碑紀實我歌傳
誰云此歌然不然

慈谿馮有經秘魔崖○危崖仄倚寺連牕一孤森
柏老不增減龍翔無古今流雲衝澗入好月正
空照幽密苔尋處翠翠棟柯陰

順天孫承澤自中峰菴至秘覽崖○乘浮青嶺亭
峻嶒指點霜紅一杖登古室有龍雲不定設河
無水礫爲微細搜秋色煩來客未認荒碑問主
僧日暮千林烟氣合隔溪隱隱透寒燈

德州盧世灌秘魔崖柏樹歌○龍潭雲護光不定
寒濤淅淅寒星映我拜盧師徒二龍龍意仁柔
風雨勁師持柏子種高崖一粒退藏天地性不
枯不榮方尺身無而旱亦無垢淨自師至我二

千年其間草木幾衰盛我行其下心眼明盧師
微笑青龍迎

安福黃文煥秘魔崖柏樹○鐵立幾何年排空奮
厥武遙哉芽蘖時立意乃千古踞險絕當關單
生絕衆輔施根石稜間微岸不受土歛足蒼虬
升危巖意氣頗年年不媚春得夏葉乃吐開幹
詎肯多擣立儻併股所司各有爲幽異靜可數
磨刮星辰光鎮持風雨舞頤驅深谷芳吹萬萬

山樹

信陽何景明夜歸昌化寺○日落歸山刹松風處
處聲幽深不易到昏黑更多盤峯斷翠溪入峰
迴嶺行茲遊藉朋好奇絕冠平生

贈權僧過昌化寺○問爾湖邊寺微鐘翠嶂西
千巖一徑轉落日亂藤迷數見譚天竺相從過
虎溪山中送客罷獨禮白雲低

綏德馬汝驥宿善應寺○登頓青厓雲歸依金刹

月晴窓合長蔓涼殿閑深樾山靜鐘不流天空
香自發齋心入杳冥道性行超越一宿磬聲裏
玄岸通有筏

平坡寺

私魔崖而西行碎石中一里息龍泉菴而上平坡寺也。寺爲仁宗勅建。曰大圓通寺。制宏麗宮闈以爲規。今圯壞而僧說宏麗當年指故物道新指舊階凡道丹碧峯歎息如將見之後殿藤胎太士七尺清古具丈夫相像廣不可圖輕可舉也。憲宗駕幸寺見金剛面正黑上笑曰似火裏金剛。一夕火起金剛燬焉。寺上一里寶珠洞洞石黑白。

點移之珠名以此。僧乃說夜有珠光照巖也。上洞登攀絕苦。然巖山大小石苔蘚其上。如古錦。如番鈴。鉏肩息據木。而瞻眺不休。山俗名翠微。以山半得地。差平可寺。曰平坡矣。

長洲姚廣孝題平坡寺。○平坡杳杳挹西湖。徑斷樵行敗葉鋪。泉落石河深愈急。雲歸沙村遠疑無。夜堂風靜紓帷慢。曉井霜寒響辘轳。但得餘生辭世網。捲衣來此日跏趺。

金谿王英半壁寺○京都北且更西北多名山而
此翠微獨高出霄漢間上有金仙居連峰起峻
屹去郭三十里趾未得躋攀聖恩賜休服三
日有餘閒策馬出西城遙遙詣肩輿我友五六
人意氣浮雲端欲登峰萬仞俯視八極寬

泰和王直大圓通寺○梵宮何巍巍下馬陟峻坂
山僧肅前道焚香啓重闕高棟高切雲飛甍抗
崇殿金碧表奇麗突兀給孤苑地盤占幽曼誰

能巾縫縵嗟哉學佛徒。冥寂窪微旋。自非與物
遺。徒謂去城遠。

慶陽李夢陽平坡寺。○西山萬佛寺。蘭若舒錦襯。
平坡憑風迺突。出衆山右。宮閣因巖均而勢巧。
相望百里。見琉璃巖峽戴雲構。閒遊探絕跡。杪
秋歷羣岫。得此日力展。恍疑出氛圍。雖歷杳山
巔。濶掩望。淵秀落木響巖窟。寒嵐染衣袖。延繩
古木并。佇立悲慨淡。感爽慮反始。遂想蓬蒿茂。

一信陽何景明平坡寺○晚眺平坡上、蒼茫萬壑前
一僧行旃杪、諸客到寒天。險駭將崩石、清憐乍
坼泉。翠華公主塔、縹緲碧山巔。

泗州郭武宿平坡僧寺○上方臺殿倚層霄、秋淨
山空爽氣交。風約磬聲雲外盡、霜催棟子月中
敲。半簷清露挂珠網、一點寒燈照鶴巢。幽思忽
生心自省、不知塵屐可能拋。

金壇王樵平坡寺○絕磴曲能上、山烟到漸微。問

途時誤往、望寺不知歸、獨在市囂外、閒無醒夢。
過黃村來見處、空翠滿霏霧。

德州程莊圓通寺○共立千巖上、幽觀萬壑閒、龍
飛珠尚洞刹、巨俗俱攀竹、色綠池靜、柏陰過嶺
閒、山頭泉活活、坡下入人寰。

慈谿縣有經火圓通寺○步步層峰上、回看萬嶺
攢石盤人徑入、臺趾佛雲安、蓮像畱唐代、苔碑
識漢官、虛溝虹影落、天闊鳳形蟠、月陟清霄切、

秋窮白露寒，蘚痕千洞碧。每點一株月，輕月澹
溟濛歸懷，幾旬寬。雲居境超越，隨意足盤桓。
涼州吳稚英題通寺○木杪懸全刹，沙窮有徑通。
雲峰呈野態，霜樹歛山容。拂鬢秋聲急，浮尊夜
色濃。倦來欹枕處，夢寐雜殘鐘。

山陰王應遠宿平坡寺○山空徑葉深，來宿翠微
嶺。蒼烟籠數星，落月落孤境。樹根蛩鳴長，雲間
萬葉冷。梵靜磬聲中，天漢橫白影。

寶珠洞○洞自何年開。星星崖壑曉。歸雲牖作雨。危石畫長陰。堂衆遠聞梵寺鐘。閒老心得將辭世網爲寄。澤中吟。

紫陰公光國平坡寺○古刹半山腰。山前已入香。殿臺聞亂石。蘿柏立危磈。陰密行無暑。樹深初未認。嘈嘈鳥不斷。雲樹與盤桓。

寶珠洞○玄窟何人鑿。翠蘿折折尋。三芝閒空地。玉葉遍殊林。巖滴水乳乳。雲遷遠近岑。

時夜發照見柏森森

江夏郭正威寶珠洞○樹杪寶珠洞山腰第幾尋
一人蹤穿古徑樓角殺枯藤遠水近堪掬前峰界
可憑佛燈明滅處莫有鳥窠僧

金壇羅鹿齡龍泉菴○石蹙山疑斷雲端有路懸
瀑流分萬壑香逕上諸天跡少苦先好峰多樵
各偏高風難瘦影杖屨亦泠然

盱眙李言恭龍泉菴○四倚石亭檻山間路幾盤

空堂垂薜荔，古樹長香櫞。雲氣暑尤溫，泉聲聽已寒。風塵歸騎促，悵悵下蒲團。

嘉祐寺

阜成門外二十五里，有嘉祐寺焉。土沃水肥，址高
林深，到寺如到一城。有門鐵葉，其釘乳乳，入門如
入一壘。門者數十人，著大數百，狂夫闖入，獒焉無
能擣者。一道榆柳中，地無日影，至里朱碧一片，別
爲山門，殿像座供，供物豐澤，而方丈特壯麗，無寮
不松陰，無戶不朱簾也。方丈縣神宗御書聯筆。
法用顏真卿僧云初年筆也，貼梗海棠高于槐，牡

丹多于薤芍藥蕃于草危墻三重墻中阱藪內以
蒺藜崇禎己巳冬庚辰來攻寺不克而去先
是萬曆末年一人如班役者傳三四碑各數通投
禪字各大如拳肅而出迂興者三四丈餘數十所
持食操三四檻揖讓入座語次忽然一餐食櫈盡
器械在手堂盡焚門盡守禪者提而反接僧朋
疾出所藏蒲量舉手別而去日是住持不狎近客
也緣寺非仰檀施爲者亦非如他僧列肆載牆龍

緝索事商賈事其一切資地力所爲本富計誠得
也。寺西二里金萬青王塚一穹碑子子田畔東三
里福田寺富與嘉禧畧等。

慈谿馮有經嘉祐寺山樓○高樓切天浮古木森
在下綠碑暮靄留俯檻朝光薄峰峰開丹碧四
十二蘭若方林爛桃李踞石老松樳人語曠不
喧啼鳥無冬夏桑乾一綫青蓬宮數點赭捫天
一長嘯局促何爲者、

雨過嘉禧寺○坐愛空山過雨時。日踐雲靜爲。
歸趣調弓櫛外看教射。布局槐陰對隱棋。泉脉
有香增酒品。山花帶色入穀奇。市朝只聽鐘聲
冷。供具天人總未知。

崇陰公光國嘉禧寺樸眺望○偶經西郭外。駐馬
此淹留。策杖僧歸去。尋詩客倚樓。久看山色換。
靜聽水聲幽。塔湧高低勢。溪明遠近浮。茶烟環
月宿。矯影亂松楓。草壯桑乾曉。鐘動寺院秋。天

風吹盡石、嵐氣蒸如秋。稚子歌丹壑、農夫刈古
丘。登臨廟未遍、坐望自能周。

綏德馬汝驥出遊福昌寺○城喧坐不憇、野寂行
能侶。寶刹雲散炎、赤厓日停暑。名香藴藴聞、仙
梵微微佇。西廡鬱龍盤、北瞻俄鳳舉。經泉琴近、
鳴鐘遠。限舉似山半、猶然無一譜。

歙縣潘之恒過福田寺○古樹蒼藤澗道斜、澄溪
逐景拂明霞。秋深遠、一、分、村、落、荆、足、西、成、多、草、

花僧歸客難容半員寺嚴戒不止三父誰云咫
尺清涼遠馬首剎虛幾度遲

罕山

出阜城門三十六里者，罕山。志稱韓家山，漢衛吏
韓延壽家焉。罕，韓音僞也。俗呼黑山，漢黑罕又譌
也。山黃壤一平崗耳，不石亦不水泉。山陽二寺，日
靈福、日延壽。靈福以二松著，北之松不善林而善
假蹇盤躋，惟長年無徒，頽然自特異也。延壽太監
剛錢墓前寺也。錢從長陵靖難，把百斤錢鎗，好
先登脂障鎗，今存寺中。錢本名炳，長陵每呼以

鐵剛、鐵遂，名鐵墓。無石表、無石翁仲、惟石墩六。僧
云：長陵賜鐵坐凡六，故六墩也。一碑無文字，惟
皇明司禮監太監刷炳之墓，十一字。鐵後凡掌司
禮者，祀寺左堂。韓延壽墓，在山之南，磚甃埠高以
丈，非漢碑也。後吊古者甃之。志云：有故碑，荆落今
猶落碑復不存。

山陰王思任遷罕山。○昔我居山，氣象頗飾藻。
妙香生清心，四時聽鳥舌。是時寺作家，不知誰

主客今我來山寺、天昏慘不悅、荒雲墮崩風短
簷、捕垣缺、空庭閑無僧、舊犬亦逃絕、上堂參老
佛、剝磬如泉咽、下階揖老松、寒溝訴娶切、徒倚
又暮鐘、霜雁俱橫絕、

山陰丁乾學黑山靈福寺○出郭十餘里、山來有
梵林松、高山上色、僧定世間心、石壁作雲態、危
巢哀鳥吟、覽聽殊未足、鐘磬夜深深。

晚觀靈福寺下庄○山空無暑氣、寺外晚婆娑、

歸牧牛羊散乘涼村婦多兒嬉芳艸下犬吠月明坡安止畿民宅年時雨澤潤

黑山同轍中幻林二衲○松篁譲譲古丘中央久約尋秋事未終扶杖偕同霜艸色披襟人盡夕陽風坐更石石俱苔繡望指林外有葉紅更欲高乘數峰去一聲暮磬出禪宮

石景山

山而石其骨者。皆有峰巒壁穴也。每覽山有聲應杖及屐。琅然而絃。其下峰壁也。砰然而鐘。其下巖洞也。卽事滌鑿。實罕人功。無有全乎人事者也。積土曰嶽。濳水曰海。穿頑石曰洞天。遁身而遠思。爲寄焉而已。出阜成門而西二十五里。曰石景山。山故石耳。無景也。土人伐石歲給都人。石田是耕。不避堅厚。久久巖若洞若焉。萬曆中董常侍建元君。

廟樓羽士而石景山以著。山最上金閣寺。寺最遠。眺望望蒼黃。一道如帶南綴者。渾河也。渾河古桑乾水。從保安舊城過。沿河口過石港口。達盧溝。渾河如云濁河也。盧溝如云黑溝也。濁且黑。一水也。水雷殷而雲湧。亦曰小黃河。河迅峽危。石不得趾。而橋之以板。行板者委身空中。無傍籍。踏踏閃閃。無詳步。而日下見水。水勢慘目。橋則蜿蜒強者。欲趨苦前。恆者。祇躡苦後。萬曆戊子九月十六日。

駕還自壽宮，駐蹕功德寺。明日幸石景山，觀渾河。
上先登板橋，諸臣翼而趨。中流顧問輔臣：水從
何來？申時行對曰：從大漠經居庸，下天津則朝宗
于海矣。上曰：覩此水，則黃河可知。因勅河臣
亟修堤岸，毋妨漕計。諸臣頓首謝。

長洲中時行從 駕幸渾河 召問黃何水勢因
勅河臣隄防爰 命賦詩以紀○壽宮福地開
嵯峨，高秋風日回熙和。萬壑千峰時望幸，九游

七萃紛來過羽騎初旋大嶺嶺鑿輿載指桑乾
河桑乾之水何湍激觸石縈崖迸沙磧濁漲沮
洳九百里驚濤噴薄三千尺下瀨驟如風雨聲
廻波忽變烟霞色天子臨觀欲受勳青旄翠
蓋爭先驅牛馬兩崖望河伯魚龍千隊朝天吳
重瞳一顧三太息何物洶湧如斯夫吾觀此水
體衣帶猶然衍溢爲民害况復黃河天上來百
折狂濁趨渤海異時平陸翻洪波泛溢不止如

人何羨玉長菱愁不屬金錢歲費何其多憶昔
堯時憂洚水胼胝賴有崇伯子龍門載闢伊闢
寧至今微禹其魚矣乃知經理須得人疇能視
濁真錄已微臣稽首頌吾皇倣予谷爾符陶
唐欲笑秦王稱德水還輕漢武築宣房噫嘻真
主一言雷霆疾羣吏百神胥受職坐令陸海俱
安瀾還見蒿萊成黍稷川輸嶽貢億萬年休氣
榮光常四塞

欽縣許國從 駕幸渾河 召問黃河水勢勅河
臣預修堤防爰 命賦詩以紀○萬歲新官秋
色裏鬱葱甘氣天 頗喜回蹕遙臨石景山前驅
忽阻桑乾水 桑乾之水出雲中一川碎石舞雄
風驚沙環撲亂白日 潶浪鼎沸排蒼空是時翠
華發新宮西來五騎文武從恭承宣詔非敢後
駕馬不及隨飛龍峰回峯轉見黃幄已陟崔嵬
旋六龍草萊相與望清塵駒馳無乃勞華輶

天子曰咨元輔來。君臣魚水同徘徊。乘風躡虹
奉天譖。脩聯波濤何壯哉。一衣帶水有如此。何
況黃河天上來。萬里奔流赴滻海。三門九曲依
然在。自非蟻穴填無虞。安得平成功永賴。漢家
宣房鄰子歌。壁馬空沉柰若何。往日水衝官數
易。比歲金錢費轉多。嗟嗟神禹不常有。懷襄誰
是濟川手。臨流拊髀三嘆息。想見 皇情只求
舊。 皇情一日遍九州。懽樂未極增煩憂。省方

總爲詢民瘼不似橫汾空佚遊

大倉王錫爵從駕幸渾河召問黃河水勢勅

河臣預修堤防爰

命賦詩以紀

三秋望宇

溝如練九扈功成稼初薦玉辇時經萬古流還

因省歛過西甸清蹕遙傳角清曉鈞陳警衛

威儀葆蓋龍含珠日耀華旛鳳旄彩雲飄山靈

先後分迎駕萬歲呼聲起山下豈是宸遊玩

物華周斧總爲綏西夏既登層巒眺神皇旋躋

遠壑觀洪濤、洪濤直接桑乾派、奔騰澎湃流涓涓、涓涓未極懷襄弊、警予方憶唐堯世、况復黃河萬里來、崑崙浩淼源無際、河伯年年賽鄴巫、巫波臣歲歲騎天吳、蛟螭騁嬉魚鴻鬱、壁馬空沉竟何益、中土元元昏墊多、淇閘竹盡煩供役、

皇心翼翼念人民、思得分憂拯溺人、游豫不忘經濟計、琅琅天語諭臣鄰、玄圭將待禹功奏、玄夷應有禹圖授、斷鼈鍊石補天工、佇見九河道

循舊德、意騰飛、遍海廷、胼胝誰不喜、爭先水、憲
修明時、蓄湧桃花春、漲成甘泉奉、詔廢歌、歌
帝躅、卷阿遺響今猶續、遡澤嘒詰豐水謨、揚
波無羨河汾曲、

江夏郭正城、聖駕幸渾河、召輔臣問黃河水
勢、勑河臣隄防恭紀○飄飄華蓋簇、鳴鸞帝
里波濤見渺漫、爲憶黃河連貝闕、郊乘白馬向
桑乾、桑乾冰自晉陽來、日夜奔騰繞鳳臺、神漢

湧花漸噴玉天河落地響成雷似有九龍從下
起還如入水自西廻萬乘千行連綺陌六乘臺
淨秋空碧何須周帝駕龍梁不事秦皇鞭海石
星辰影動流波潭旌旗搖曳馮夷翻歎見赤鯉
驂河伯似引楊侯朝至尊皇心拯溺真無已
潭河何似黃河水匆匆玉趾踏盧溝望望金堤
塞瓠子龍門決處又何如鳳輦行看應倍此勅
諭宣房負土臣頻將白壁禮玄津爲問續灰能

塞岸能無沉馬更勞人、萬里流沙真湧洞、波臣
願效河清頌、蟠速鰲足永無虞、鑠掣支祈常不
動、喜看禹甸佐唐虞、欣誦堯言再警予、此際君
臣魚戲漢、行看河雒馬呈圖。

盱眙李言恭

聖駕幸渾河

召問水勢

勒河

臣修築堤壠恭紀○勝地宸遊御六龍、羽林千
隊轉高峰、列峰震盪波上下、羣鰐負戴雲深重、
姑庸之南桑乾水、派發崑崙伏地底、甘泉湧出